

直隸叙永廳志卷三十九

仙釋志

直隸叙永廳

縣附

元

仙 妻

衛人名蒲道

舊志稱女子名蒲

篤於戒行及笄

不字能前知休咎人多就决焉

明

月溪和尚

江安縣人明宣德時遣戍赤水傭工

陳百戶家夜憇廐中輒有火光陳辭之遇異僧

直隸叙永廳志

卷三十九

仙釋

授禪機結庵於蘭州印山居數載適名天下高

僧詣闕宣見賜茶月溪向南灑之奏曰留都失

火延及四十戶今已滅矣閱匝月守臣奏如其

語封大國師歸修靜於雪山所坐處遺有紫竹

二竿其下至今不生草後坐化於永洪山寶蓮

寺香火猶存

東華道人

河南人明崇正末至紅巖山年逾百

歲健步如飛身止一衲不冠不履寒不爐暑不

扇人與食日可累食弗與旬日亦不言餓有與

以錢者固辭恐爲己累與人言無非勵以忠孝
任圓覺洞數月而去不知所往

直隸叙永廳志

卷三

仙釋

二